



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. I. Pacta Tostrupii, à Septentrionalium horum Regnorum Commissariis  
Plenipotentariis inita, quorum vigore hostilitates & diffensiones utrinque  
aliquam diu exercitae, abolendae & amicabiliter ...

**urn:nbn:de:hbz:466:1-10534**

promittimus securitatem, atque officiis procurandæ pacis tanto laborandum est utrinque impensius, quanto Christiano orbi necessum est ut declaretur, posse hæc-  
ce Septentrionalia regna post conflatum bellum absque ambagibus non necessariis, ad justam sinceramque redire reconciliationem. Quibus benevoli responsi loco redditis Deo te commendamus. Dedimus Neoburgi Fionix, die 5. Febr.  
Anno 1658.

Carolus Gustavus.

Illustri Nobis sincere dilecto Philippo de Meadove, Serenissimi ac Celsissimi  
Domini Protectoris Angliæ, Scotiæ & Hybernix &c. ad Regem Daniæ  
Ablegato Extraordinario.

Lit. I.

Pacta Tostropii, à Septentrionalium  
horum Regnorum Commissariis Plenipotentariis ini-  
ta, quorum vigore hostilitates & dissensiones utrinque ali-  
quam diu exercitæ, abolendæ & amicabiliter  
componendæ sunt.

1.

Itæ & maneat in posterum inter Regem & Regnum utrumque, nec non eorum  
subditos & incolas invicem, Pax sincera & perpetua, & ita quidem, ut posthac  
omnes utrinque cessent dissensiones & discordiæ, contra vero ab utraque parte re-  
ducatur amicitia firma & secunda, beneficioque Generalis Amnestiæ penitus obli-  
vione sepefiatur, quicquid vel ante bellum, vel ipso flagrante, mali sive damni invi-  
cem inflictum fuit.

2.

Utraque Pars omnibus fœderibus, in præjudicium ac detrimentum alterutrius  
initis renunciet.

3.

Nec una pars contra alteram fœdera icat, aut alterius hostibus opem ferat &  
succurrat, quibuscunque demum id modis fiat.

4.

Utraque pars, quantum fieri potest, impediatur, ne hostilis aliqua classis belli-  
ca per fretum Oresundicum aut Balthicum in ipsum mare Balthicum penetret &  
irrumpat.

5.

Maneat itidem Pactis Bromsebröensibus pristinus suus vigor, in quantum  
per præsentis Tractatus non immutantur.

B 3

6. Qui.

Quicumque Reges, Respubl. Potestates & Principes pace hac comprehendi cupiunt, ab utroque Regum id requirere possunt.

Omnes naves Suedicæ ad subditos Svedicos spectantes iisque propriæ, à vetigalium pensione, visitationum onere & certificationū exhibitione liberæ ac immunes Orcundam vel fretum Balthicum transeant, dummodo in locis publicis, ubi S. R. M. Daniæ teloniorum cura est, legitimas suas atque justas Commeatus, sive salvi passus Nautici literas, vulgo *Stjepass*/ monstrant & exhibeant. Aliarum vero mercium Suedicarum, navibus ad peregrinos pertinentibus impositarum, eadem ratio deinceps sit, ut antea, & ita quidem, ut secundum tenorem Pactorum Bromsebröensium legitimas Certificationes suas exhibere teneantur, quarum ope & virtute ab omni telonio aliisque oneribus se liberæ & eximias præstare poterunt.

S. R. M. Sueciæ loco satisfactionis tam pro cessione terrarum occupatarum, quam pro damno per hoc bellum dato, Rex Regnumque Daniæ cedat Hallandiam, Blekingiam, Scaniam & Bornholmiam, una cum subjacentibus & appertinentibus Insulis, nec non Castellum Bahusiense in Norvvegia, una cum adjacenti Districtu & Præfectura cum omnibus ac singulis Regalibus, juribus & appertinentiis, nullis exceptis, non secus ac Regnum Daniæ eadem huc usque possedit & obtinuit.

R. item M. Regnoque Sueciæ Rex Regnumque Daniæ cedat Districtum seu Præfecturam Nidrosiensem, communiter Trundheimensem appellatam, cum omnibus ac singulis appertinentiis, quæ jure merito vel hodie eo pertinent, vel olim eo pertinuerunt, tam terra, quam mari, ut incorporentur Regno Sueciæ in perpetuam proprietatem.

Ex adverbo S. R. M. Sueciæ quascunque Regis Regni que Daniæ terras, ditiones ac Fortalitia, durante hoc bello, sive in Dania sive Norvvegia, vel etiam Slesvicensi Ducatu, Holfatia, & Comitatu Pinnenbergenfi occupata, restituat. Pariter S. R. M. Sueciæ pro se, & successoribus suis, renunciæ omnibus juribus & præensionibus quas in Comitatum Delmenhorst & Dithmarsiam, ratione Ducatus Bremensis, habet vel habere potest.

Omnes utrinque captivi, cujuscunque demum conditionis aut fortunæ sint, absque ullo lytro liberi dimittantur.

S. R. M. Sueciæ Exercitus, quam celerrime id fieri possit, & minimum intra secundam diem mensis Maij, Ditionibus & terris S. R. M. Daniæ excedat, interea  
eidem

eidem sustentatione necessaria prospiciatur, ita tamen, ut stricta inter milites disciplina vigeat & exerceatur.

Consensum etiam est, ut omnes Ordines, tam Nobiles quam Ignobiles, Ecclesiastici & seculares Provinciarum & Præfecturarum, vigore hujus Tractatus in Dania & Norwegia cessarum, iisdem legibus, privilegiis & immunitatibus, ut antea, fruantur, in quantum Constitutionibus fundamentalibus Regni Sueciæ non repugnant. Aliàs S. R. M. Sueciæ nomine promittitur, illorum privilegia, quibus hæctenus gavisi sunt, auctum potius quam imminutum iri. Bona item & possessiones, quæ vel hæreditatis, emtionis, oppignerationis titulo, vel aliis quibuscunque demum jure licitis modis, illis competunt, ipsimet & eorum hæredes ac successores securi retinebunt.

S. R. M. Sueciæ omnes terræ ac loca, quæ durante hoc bello occupata, ac Regno Sueciæ adempta sunt, ubicunque demum locorum sita, restituantur, ut & tres naves Suedicæ, circa belli initia in Fretò Oresundico detentæ, una cum mercibus, quibus juxta tenorem Certificationum onustæ fuerant, vel earundem justo pretio, similiter reddantur.

Cedatur etiam S. R. M. Sueciæ omnis jurisdictio Ecclesiastica & secularis, quam S. R. M. Daniæ in quædam bona Terrarum Rugiæ obtinuit.

Omnia Fortalitia & Munimenta tam hoc bello expugnata & capta, quam mediantibus Tractatibus cessa, absque tormentis & apparatu militari tradantur. Illarum vero Regionum & provinciarum agricolæ, ubi fortalitia ista sita sunt, tenebuntur prædicta tormenta & comæatum ad littus devehere, ubi commodissime navibus imponi possunt.

Duci Holsatiæ à Rege Daniæ secundum æquitatem fiat satisfactio, de qua cum Ipso tractabitur & decernetur.

Itidem hæc promittitur Comiti ab Uhlfeldt restitutio omnium suorum bonorum, tam mobilium, quam immobilium, cum omnibus redditibus, ex eo tempore, quo in manus Commissariorum pervenerunt, in hanc usque diem perceptis. Et integrum præterea erit Ipsi, ejusque Comitissæ, Socru, liberis, Amicis & famulis libere in Dania ac tuto habitare atque degere, ubicunque commodum Iphis visum fuerit. Feudis vero illis, nempe Hirsholm, Munckelin, ut & S. Johannis Monasterio in Norwegia, Comiti Uhlfeldio ejusque filio olim concessis, juxta tenorem Investiturarum libere fruantur, eademque retineant.

16.

19.

Publicatum Manifestum antiquetur & aboleatur, nec unquam posthac divulgetur, recudatur, aut venale habeatur.

20.

R. item M. Sveciæ Serenissimus Rex Daniæ bis mille equites, & bis mille pedites tradat & exhibeat.

Ut autem supra scripta omnia, quæ ab Utriusque partis Plenipotentariis Commissariis promissa sunt, fideliter serventur, una Nobiscum Domini Mediatore Sacræ Regiæ Majestatis Galliæ, & S. Celsitud. Domini Protectoris Angliæ, in testimonium isthoc subscripserunt, & impressione suorum sigillorum confirmarunt, Tostrupii die 18. mensis Febr. Anno 1658.

Le Chevalier  
de Terlon.  
L. S.

Philippe  
Meadovve.  
L. S.

Jochim  
Gerstrup.  
L. S.

Christen  
Skiel.  
L. S.

Lit. K.

## S. R. M. Sveciæ Confirmatio Articulorum Tostrupiensium.

**N**os Carolus Gustavus, DEI gratia, Svecorum, Gothorum, Vandalarumque Rex &c. &c. &c.  
Notum testatumque facimus, quod Nobis fideles Viri & Plenipotentarii Commissarii, sincere & fideliter Nobis dilecti Nobiles ac Generosi, Consiliarius Noster Secretior, Dominus Cornificius, Comes ab Uhlefeldt, ut & Noster, Regnorumque Nostrorum fidelis Vir ac Senator, Admiralis, atque Collegii Admiralitatis Consiliarius, Dominus Steno Bielcke, non solum prævia decenti submissione in manus Nostras tradiderint puncta ista, in quæ cum bonis Viris Regni Daniæ Senatoribus, & ad præsentis Pacis Tractatus à Serenissimo ac Potentissimo Principe & Domino, Domino FRIDERICO tertio, Daniæ, Norvegiæ, Vandalarum Gothorumque Rege, Nostro Fratre, Amico & Vicino, constitutis Commissariis in pago Tostrup, qui erat dies 18. mensis Februarii, mediante Christianissimi Galliarum Regis, Fratris & Confœderati Nostri dilectissimi, ut & Domini Protectoris Angliæ, Scotiæ & Hybernæ, Nostri similiter boni Amici & Confœderati, respectively Legati & Ablegati interpositione, convenerunt & consenserunt; sed & in simul Nos pro ea, qua decet, devotione, certiores reddiderint, quod ejusdem per omnia argumenti & tenoris puncta ab utriusque Dominis Mediatoribus subcripta, Sux Dilect. Regis Daniæ Commissariis extradiderint, annexa illa